



VISOKOŠKOLSKA USTANOVA UNIVERZITET „PRIVREDNA AKADEMIJA“
BRČKO DISTRIKT BiH

Petra Kočića br. 6, 76100 Brčko distrikt BiH



DRUGI JAVNI POZIV

Poštovani istraživači,
Poštovani autori,

Časopis „**AKADEMSKI PRIVREDNIK**“, Univerziteta „Privredna akademija“ Brčko distrikt BiH, je naučno-stručni časopis sa otvorenim pristupom i izlazi polugodišnje (juni i decembar).

U časopisu se objavljuju radovi naučnog i stručnog karaktera, na službenim jezicima BiH (apstrakt i ključne riječi moraju biti i na engleskom jeziku) i na engleskom jeziku, iz više naučnih oblasti: prirodne nauke, tehničke nauke, medicinske i zdravstvene nauke (menadžment u zdravstvu), poljoprivredne nauke, društvene nauke i humanističke nauke.

Časopis „**AKADEMSKI PRIVREDNIK**“, Univerziteta „Privredna akademija“ Brčko distrikt BiH, posjeduje ORCID (Open Researcher and Contributor ID), broj <https://orcid.org/0009-0000-7836-8954>, i članstvu u **ZENODO** – digitalni repozitorijum **Evropske unije** izgrađenog u sklopu projekta OpenAIRE sa karakteristikama otvorene istraživačke infrastrukture. / <https://zenodo.org/records/18230179> / ID-PABDBiH.

Redakcija, takođe, radi na ispunjavanju uslova radi prijave časopisa i u:

Directory of Open Access Journals (**DOAJ**), European reference index for the humanities and social sciences (**ERIH PLUS**), Central and Eastern European Online Library (**CEEOL**), **Google Scholar** i **INDEX COPERNICUS** citatnim bazama.

PETI broj naučno-stručnog časopisa „AKADEMSKI PRIVREDNIK“, Univerziteta „Privredna akademija“ Brčko distrikt BiH izlazi u JUNU 2026. godine, te vas pozivamo da svoje radove, napisane isključivo prema uputstvu za pisanje radova pošaljete na mail: redakcija@privrednaakademija.edu.ba **najkasnije do 30. aprila 2026.godine.**

Radovi koji ne budu napisani u skladu sa uputstvom za pripremu neće biti upućeni u postupak recenzije, odnosno prihvaćeni za objavljivanje. Svi radovi će biti procesuirani od strane urednika (urednička recenzija) i dvije nezavisne, anonimne stručne recenzije.

Odlukom Uprave Univerziteta, kotizacija u vezi sa objavljivanjem radova iznosi 00,00 KM.

S poštovanjem,
REDAKCIJA



UPUTSTVO ISTRAŽIVAČIMA I AUTORIMA

KOJI ŽELE OBJAVITI RAD U ČASOPISU „AKADEMSKI PRIVREDNIK“ UNIVERZITETA „PRIVREDNA AKADEMIJA“ Brčko distrikt BiH

„AKADEMSKI PRIVREDNIK“ je naučno-stručni časopis koji dva puta godišnje publikuje Univerzitet „Privredna akademija“ Brčko distrikt BiH (*Pravilnik o izdavačkoj djelatnosti*).

U časopisu se publikuju (*izvod iz Pravilnika o izdavačkoj djelatnosti, član 9. (vrste članaka u kontinuiranim publikacijama)*):

- a) Originalni naučni članak (*Original scientific paper*) – predstavlja prvu objavu originalnih fundamentalnih ili primjenjenih istraživačkih rezultata, i to u takvom obliku da se istraživanje može ponoviti, a utvrđene činjenice provjeriti; po pravilu takva vrsta rada organizovana je po šemi IMRAD (*Introduction, Methods, Results and Discussion*) kada su u pitanju eksperimentalna istraživanja ili na deskriptivan način opisna naučna područja. Izlaganja na konferenciji, ne spadaju u ovu kategoriju, već se kategorišu kao izlaganje s naučnog skupa;
- b) Kratki naučni članak (*Short original scientific paper*) – predstavlja originalni naučni članak koji objavljuje originalne rezultate istraživanja kod kojeg neki elementi sheme IMRAD (*Introduction, Methods, Results and Discussion*) mogu biti izostavljeni; ovaj tip članka može prikazivati sažete rezultate određenog završenog originalnog istraživačkog djela ili djela koje je još u toku (izlaganja na konferenciji, ne spadaju u ovu kategoriju, već se kategorišu kao izlaganje s naučnog skupa);
- c) Završni izvještaj o rezultatima istraživanja – publikacija koja prikazuje tok i rezultate naučno-istraživačkog ili razvojno-istraživačkog zadatka. U ovu kategoriju spadaju samo zaključni izvještaji koji su javno dostupni, a ne spadaju privremeni, fazni, godišnji izvještaji, kao ni administrativni izvještaji za finansijere; preliminarni izvještaji istraživanja, u koliko na svoje objavljivanje ne mogu čekati, mogu biti objavljeni kao kratki članci u kontinuiranim publikacijama (časopisima) kao prethodno saopštenje (*preliminary note*) (vidjeti član 9. Pravilnika);
- d) Prethodno saopštenje (*Preliminary note*) – po svom karakteru najbližije je kratkom naučnom članku, s tim da ono predstavlja još kraću i sažetiju formu. U ovom tipu članka objavljuje se samo preliminarni izvještaj, odnosno rezultati određenog originalnog istraživanja koji iz opravdanih razloga ne mogu čekati da budu objavljeni kao završni izvještaj o rezultatima istraživanja (vidjeti član 9. Pravilnika). Izlaganja na konferenciji ne spadaju u ovu kategoriju, već se kategorišu kao izlaganje s naučnog skupa;
- e) Stručni članak (*Professional paper*) – predstavlja prikaz nečega što je već poznato, s posebnim naglaskom na upotrebljivost rezultata originalnih istraživanja i širenju znanja, a zahtjevnost teksta prilagođena je potrebama čitaoca stručnog ili naučnog časopisa u kojem je on objavljen; Izlaganja na konferenciji, ne spadaju u ovu kategoriju, već se kategorišu kao izlaganje s naučnog skupa;
- f) Pregledni naučni članak (*Review article*) – pregled najnovijih djela o određenom



VISOKOŠKOLSKA USTANOVA UNIVERZITET „PRIVREDNA AKADEMIJA“
BRČKO DISTRIKT BIH

Petra Kočića br. 6, 76100 Brčko distrikt BiH



predmetnom području, djela pojedinog istraživača ili grupe istraživača, s ciljem da se već objavljene informacije sažmu, analiziraju, evaluiraju ili sintetiziraju; Ovakva vrsta članka donosi nove sinteze koje, također, uključuju rezultate sopstvenog istraživanja autora. Izlaganja na konferenciji, ne spadaju u ovu kategoriju, već se kategorišu kao izlaganje s naučnog skupa;

- g) Izlaganje s naučnog skupa (*Conference paper*) – predstavlja naučno ili stručno izlaganje s određenog naučnog ili stručnog skupa, odnosno konferencije. Objavljeno izlaganje u načelu mora biti organizovano kao naučni članak.

(2) Predgovori, popratne riječi, recenzije, prikazi, kritike, diskusije, polemike i intervjui u kontinuiranim publikacijama (časopisima) posebno se ne kategorišu, nego se objavljuju u za to posebno predviđenom dijelu publikacije (časopisa).

Časopis “AKADEMSKI PRIVREDNIK” Univerziteta „Privredna akademija“ Brčko distrikt BiH prihvata radove na BHS jezicima ili engleskom jeziku, dostavljene putem elektronske pošte na adresu: redakcija@privrednaakademija.edu.ba. Prilikom slanja rada na engleskom jeziku domaćih autora, potrebno je dostaviti i verziju rada na BHS jezicima.

Radovi se dostavljaju u dva primjerka, s tim da su na jednom primjerku uklonjeni podaci o autorima, kako se ne bi narušio proces anonimnosti recenzije. U drugom primjerku rada navode se sve informacije o autorima (u zahtjevanom obliku) neophodne za dalju korespodenciju i punu transparentnost publikovanog rada. Radovi koji se dostavljaju časopisu AKADEMSKI PRIVREDNIK Univerziteta „Privredna akademija“ Brčko distrikt BiH, moraju posjedovati sadržaj istraživanja koja prethodno nisu publikovana na BHS jezicima, engleskom ili nekom drugom jeziku. Takođe, podnešeni radovi ne smiju biti u procesu razmatranja za publikovanje u nekom drugom časopisu, te njihova publikacija mora biti odobrena od strane svih autora potpisanom izjavom. Izdavač zadržava pravo provjere originalnosti dostavljenog rada specijalizovanim softverom za otkrivanje plagijata.



VISOKOŠKOLSKA USTANOVA UNIVERZITET „PRIVREDNA AKADEMIJA“
BRČKO DISTRIKT BiH

Petra Kočića br. 6, 76100 Brčko distrikt BiH



POSTUPAK RECENZIJE

Svi radovi podnešeni časopisu „AKADEMSKI PRIVREDNIK“ Univerziteta „Privredna akademija“ Brčko distrikt BiH, prolaze duplu recenziju i obje recenzije moraju biti pozitivne, te usaglašene sa opšte prihvaćenim naučnim standardima. Svaki recenzent rukopis rada ocjenjuje samostalno i anonimno, na osnovu čega može dati:

- pozitivnu recenziju,
- prijedlog dorade rada, ili
- negativnu recenziju.

U slučaju da jedna recenzija bude pozitivna a druga negativna, konačna odluka o prihvatanju rada biće donijeta od strane glavnog urednika časopisa. Ako je rad pozitivno ocijenjen i prihvaćen za publikovanje, svaki od autora mora potpisati Autorsku izjavu koja će autorima biti dostavljena putem elektronske pošte i koju je posle potpisivanja potrebno skenirati i vratiti uredništvu.

PRAVILA TEHNIČKE PRIPREME RADOVA

Časopis *Akademski privrednik* je naučni časopis koji izdaje Visokoškolska ustanova Univerzitet “Privredna akademija” Brčko distrikt BiH. U njemu objavljujemo naučne radove iz oblasti kao što su: prirodne nauke, inženjering i tehnologije, medicinske i zdravstvene nauke, poljoprivredne nauke, društvene i humanističke nauke.

Priprema rukopisa

Autori svoje radove treba da pripreme po APA standardima (*Publication Manual of the American Psychological Association*) - <http://www.apastyle.org/>. Rukopisi se mogu poslati na jezicima naroda Bosne i Hercegovine i na engleskom jeziku. Redakcija zadržava pravo da lektoriše radove, kao i da vrši izmjene koje se odnose na tehničku pripremu radova u okviru časopisa.

Rukopis treba da bude napisan u Microsoft Wordu, u formatu A4, fontom Cambria, veličine 11 pt, prored 1,0. Rukopisi mogu biti dužine do jednog autorskog tabaka (**cca 16 stranica, 30000 znakova**). Redakcija zadržava pravo da odobri objavljivanje radova dužeg obima. U obim radova nisu uračunati apstrakt i spisak literature. Poslije naslova rada i imena autora, a prije teksta rada, treba napisati *Sažetak* (**maksimalno 150 riječi**). U sažetku (apstraktu) treba predstaviti problematiku, cilj, metodologiju i rezultate naučnog istraživanja. Nakon sažetka obavezno je napisati nekoliko ključnih riječi koje se koriste u radu. Sažetak je obavezno prevesti na engleski jezik, odnosno na jedan od jezika naroda Bosne i Hercegovine, ukoliko je kompletan rad pisan na engleskom jeziku.



VISOKOŠKOLSKA USTANOVA UNIVERZITET „PRIVREDNA AKADEMIJA“
BRČKO DISTRIKT BiH

Petra Kočića br. 6, 76100 Brčko distrikt BiH



Tehnička specifikacija rada po redosledu:

Glavni naslov: font Cambria bold, veličine 14 pt.

Ime i prezime autora (font Cambria bold 11pt) sa afilijacijom u fusnoti (Cambria, 10 pt, prored 1)

Sažetak i ključne riječi: font Cambria, 10 pt, prored 1

Naslovi: font Cambria bold, 11 pt, lijevo poravnanje.

Tekst rukopisa: font Cambria, 11 pt, prored 1, poravnjanje justify.

Grafikoni i slike trebaju da prate tekst, a linije kojima su iscrtane figure i krivulje ne smiju biti tanje od 0,5 pointa.

Fusnote i skraćenice treba izbjegavati.

Reference ili popis literature dodati na kraju rada, tako što se navodi u lijevom ravnanju autor/i a potom godina, djelo (kurzivom), mjesto i izdavač. Sve reference koje se pominju i tekstu moraju biti navedene u popisu literature i obrnuto. Reference trebaju biti numerisane arapskim brojevima.

Nakon literature rad završiti prevodom glavnog naslova, sažetka i ključnih riječi.

Tehnički uređene radove slati na mejl adresu: redakcija@privrednaakademija.edu.ba

REDAKCIJA